



Indgået

23 JULI 2018

Inatsisartunut ilaasortaq Jens Napātōk', Partii Naleraq
Inatsisartut Allattoqarfiat
/-Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

**Ingerlatseqatigiiffinni namminersorlutik oqartussanit pigineqartuni
siulersuisut pillugit § 37 naapertorlugu apeqqummut nr. 2018/159-imut
akissut.**

21-07-2018
Sags nr. 2018 - 3545
Dok. nr. 8338683

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Jens Napātōk',

Ingerlatseqatigiiffiit Namminersorlutik Oqartussanit pigineqartuni siulersuisut pillugit Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

1. Namminersorlutik oqartussat pigisaanni ingerlatsiviit, soorlu A/S-ini, Naalakkersuisoqarfimmi siulersuisulersornissaannut oqartussaaffik, Naalakkersuisup sorliup oqartussaaffгаа, sunalu patsisigalugu tamanna taamatut oqartussaaffik inissinneqarnikuua?

Aktiaateqarluni ingerlatseqatigiiffinni siulersuisunik toqqaasarneq aktiaateqarluni ingerlatseqatigiiffinnut inatsimmi aalajangersakkat naapertorlugit aktiaateqarluni ingerlatseqatigiiffiit ataatsimeersuarnerini pisarpoq. Siulersuisuni ilaasortassanik Naalakkersuisut toqqaasarput soorluttaaqa ataatsimeersuarnermilu aalajangigassat allat Naalakkersuisunit aalajangersarneqartartut.

"Aktiaateqarluni ingerlatseqatigiiffinnik Namminersorlutik Oqartussanit tamakkiisumik ilaannakortumilluunniit pigineqartunik isumaginninneq" suliassa-qarfinnik agguataarisimaneq naapertorlugu Naalakkersuisut Siulittaasuanit akisussaaffigineqarpoq. Naalakkersuisuni ilaasortat akisussaaffiligassaanic agguataarisarneq Inatsisartuni Naalakkersuisunilu ilaasortat pillugit Inatsisartut Inatsisaanni § 23, imm. 1 naapertorlugu Siulittaasup akisussaaffigaa.

2. Naalakkersuisut kingullit maannamut inissisimasut ivertinneqarneraniilli, ingerlatsivinni siulersuisut qassit sorliillu oqartussaaffigalugit siulersuisulersorneqarpat?

Namminersorlutik Oqartussat piginnittuunerat aammalu maleruagassat il.il. naapertorlugit siulersuisunik toqqaanerni tamani Naalakkersuisut sunniuteqarsinnaatitaapput.

Ingerlatseqatigiiffiit namminersorlutik oqartussanit tamakkiisumik ilaannakortumillu pigineqartut siulersuisuisa nalunaarsorsimaffiat Naalakkersuisut nittar-tagaanni iserfissat uku aqqutigalugit takuneqarsinnaapput:

<http://naalakkersuisut.gl/klGL/Naalakkersuisut/Naalakkersuisoqarfiit/NaalakkersuisutSiulittaasuataaalakkersuisoqarfia/Bestyrelsessekretariatet/Bestyrelsessam mensaetning>.

Massakkorpiaq siulersuisut tamarluinnarmik inuttalerneqareersimapput KNI A/S-imi siulittaasumik toqqaanissaq Tele Greenland A/S-imi INI A/S-imilu siulersuisuni ilaasortassamik ataatsimik toqqaanissat minillugit. Ingerlatseqati-giiffinni pineqartuni siulersuisuni ilaasortassanik nutaanik Naalakkersuisut toqqaanissaat ukiup massuma ingerlanerani kingusinnerusukkat pinissaa naatsorsuutigineqarpoq.

3. Naalakkersuisoqatigiinnissamik isumaqatigiissut maannamut atuuttumi imm. 190 ilaatigut imatut oqaasertaqarpoq: "Ingerlatseqatigiiffiit pisortanit pigineqartut siulersorneqarneri eqqarsaatigalugu nunatsinni nunaqavissut atorluarneqartassapput salliutinneqartassallutillu" Qaqugu Naalakkersuisup tamanna atuutsilersinniarpa, atuutilersimangippallu suna patsisigaa?

Isumaqarpunga ingerlatseqatigiiffiit siulersuisuni ilaasortassanik ukiuni kingullerni toqqaasarnerni nunaqavissut ingerlatseqatigiiffiillu siulersuisuiniinnissaminnut piginnaasaqarluartut ingerlatseqatigiiffiit siulersuisuini ilaasortassarnissaat Naalakkersuisunit isumagineqarluartarsimasoq.

Ilanngullugu ilisimatitsissutigisinnaavara Inatsisartut 2016-imi upernaakkut ataatsimiinneranni ullormi oqaluserisassap 133-p suliarineqarnerani Naalakkersuisunit ilaatigut oqaatsigineqarmat siulersuisuni ilaasortat tamarmiusut 60 % missaat nunaqavissuussut. Ilaasortat sinneri Danmarkimeersuupput nunani avannarlerni nunanillu allaneersuullutik kiisalu Tului Nunaanniit aamma Tysklandimiit ilaasortaarluni. Taamatut agguataarsimani 2018-imi allannguu-teqangaaratik suli atuupput.

Siulersuisuni ilaasortat Kalaallit Nunaanni najugaqavissut ugartorneqartutullu piginnaasaqartut siunissami amerlanerusut ilaasortannagortinneqartalernissaat Naalakkersuisunit nangillugu sulissutigineqarnissaa naatsorsuutigaara.

4. Naalakkersuisup, ingerlatsiviit siulersuisulersornissaanut akisussaasup, ingerlatsivinnut siulersuisut nunaqavissuuneri qanoq nalilersortarpei? Inatsisit pioreersut Naalakkersuisup tunngavigippagit, imaluunniit nutaanik nunaqavissuunermut nalilersuuteqaruni innersuussinissaanut qinnuigineqarpoq.

Suliassat taamatut ittut Naalakkersuisuni aqqissuunneqarnerini siulersuisuni ilaasortat sumi najugaqarneri isiginiarneqartarput. Apeqqutigineqartup aappaa-

nut tunngatillugu erseqqissaatigissavara Naalakkersuisut inatsisit atuuttut naapertorlugit sulimmata.

5. Qinigaaneq una kingullermi siulersuisut inissitsiterneranni sorlerni Naalakkersuisup nunaqavissut, sorlernilu nunaqavissuunngitsut siulersuisunngortippat? Uani ataasiakkaarlugit taakkartussallugit Naalakkersuisoq qinnuigineqarpoq.

Naalakkersuisut nutaat ivertinneqarnerisa kingorna ingerlatseqatigiiffiit namminersorlutik oqartussanit tamakkiisumik ilaannakortumilluunniit pigineqartut sisamat ataatsimeersuarsimapput. Taakkulu tassaallutik Visit Greenland A/S, Greenland Holding A/S, Great Greenland A/S aammalu Air Greenland A/S. Ingerlatseqatigiiffinni pineqartuni siulersuisuni ilaasortat 14-it nunatsinni najugaqartut nunattalu avataani najugaqartut sisamat toqqarneqarsimapput.

2018-imi ataatsimeersuarnissat allat Naalakkersuisut nutaat suli ivertinneqanngitsut ingerlanneqarsimapput, taamaattorli KNI A/S-ip 2018-imi ileqquusumik ataatsimeersuarnissaa aggustusip qaammataanni ingerlanneqartussaalluni.

Siulersuisuni ilaasortat allattorsimaffiat Naalakkersuisut nittartagaanni takuneqarsinnaasup innersuussutiginerata saniatigut apeqqummut tassunga allanik oqaasissaqanngilanga.

6. Naalakkersuisup nunaqavissut salliutinnginnerinut, tassa siulersuisunut inissinneqannginnerinut, suut patsisit atorineqarpat? Ingerlatsiviit ataasiakkaarlugit patsigineqartut taakkartorneqarnissaannut Naalakkersuisoq qinnuigineqarpoq.

Apeqqutigineqartunut 1-5-imut akissutikka innersuussutigiutigalugit isumaqarpunga ingerlatseqatigiiffinni siulersuisunik ilaasortassanik toqqaasarnerni nunaqavissut piginnaaneqarluartullu toqqarneqarnissaat Naalakkersuisunit isumagineqarluartartoq.

Apeqqutigineqartumut allanik ilanngussassaqaanngilanga.

7. Nunatta inuiaqatittalu tamakkiisumik pigisaannut, soorlu A/S-inut, tamakkiisumik oqartussaaffigalugit piginnittuniit akulerussinnaatitaaneq qanoq Naalakkersuisup periuseqarfigaa, pigisatsinnut akulerussinnaatitaavugut isummersinnaatitaavugullu? Qanoq tamanna periusissaqartinneranut Naalakkersuisoq itisiliinissaanut qinnuigineqarpoq.

Ilisimatitsissutigisinnaavara ingerlatseqatigiiffinnik namminersorlutik oqartussanit tamakkiisumik ilaannakortumillu pigineqartuni piginnittuunermut tunngasut suliassat piginnittut, siulersuisut ingerlatseqatigiiffinilu ulluinnarni aqutsisut ingerlatseqatigiiffinnullu inatsimmi allassimasut naapertorlugit naalakkersuisunit

aqunneqartarmata. Tamatuma ilaatigut kingunerisaanik ingerlatseqatigiiffiit ingerlatsinerinut tunngasut ataatsimeersuarnermi aalajangigassanngortitat aqutigalugit Naalackersuisunit ingerlanneqartarpoq.

Tamatuma saniatigut ingerlatseqatigiiffiit ilaat inatsisitigut malittarisassa-qartitsinerit, akuerissutit kiffartuussinissamillu isumaqatigiissutit naapertorlugit ingerlanneqartarput.


Naggasiullugu oqaatigissavara Naalackersuisut ingerlatseqatigiiffinnut ataa-siakkaanut toqqaanartumik attuumassuteqarnertik aqutigalugu sulisarnermik saniatigut maleruagassat naalackersuinikkullu kissaatit assigiinngitsut ilaatigut Naalackersuisut nittartagaat una aqutigalugu:

<http://naalackersuisut.gl/klL/Naalackersuisut/Naalackersuisoqarfiit/Naalackersuisut-Siulittaasuata-Naalackersuisoqarfia/Bestyrelsessekretariatet>.

Apequtigineqartumut allanik ilanngussassaqaqanngilanga.

Inussiarnersumik inuulluaqqusillunga

Med venlig hilsen

A handwritten signature in blue ink, consisting of several fluid, connected strokes. The signature is positioned above the printed name 'Kim Kielsen'.

Kim Kielsen